



AXUDAS

PROGRAMA DE AXUDAS A CENTROS ESPECIAIS DE EMPREGO

Convocatoria 2022-2023



XUNTA
DE GALICIA

Normas xerais e convocatoria	3
Programa I – Axudas ás unidades de apoio á actividade profesional	6
Programa II – Axudas para creación, adaptación e asistencia técnica	8
Programa III – Axudas ao custo salarial das persoas con discapacidade	11

IMPORTANTE:

**A información que se ofrece neste documento é un resumo
que non substitúe a orde de bases reguladoras.**

Antes de presentar a solicitude de subvención debe consultar a orde na súa versión
íntegra.

NORMAS XERAIS E CONVOCATORIA

NORMATIVA REGULADORA

Orde do 13 de setembro de 2022 pola que se establecen as bases reguladoras de axudas a centros especiais de emprego (CEE) co fin de promover a integración laboral das persoas con discapacidade, e se procede á súa convocatoria para os anos 2022-2023 (códigos de procedemento TR341K, TR341E, TR341N e TR341M) (DOG núm. 184 do 27 de setembro de 2022).

FINALIDADE

Garantir a empregabilidade das persoas con discapacidade mediante axudas a centros especiais de emprego a través de 3 programas:

- PROGRAMA I: axudas ás unidades de apoio á actividade profesional dos centros especiais de emprego.
- PROGRAMA II: axudas á creación de postos de traballo estables, adaptación de postos e asistencia técnica.
- PROGRAMA III: axudas ao mantemento do custo salarial das persoas con discapacidade.

ENTIDADES BENEFICIARIAS

Esta convocatoria diríxese aos centros especiais de emprego que, na data da solicitude da subvención, figuren inscritos como tales no Rexistro Administrativo de Centros Especiais de Emprego de Galicia, de acordo co disposto no Decreto 200/2005, do 7 de xullo.

SOLICITUDES E PRAZOS

As solicitudes presentaranse por separado para cada un dos programas, obrigatoriamente por medios electrónicos a través dos formularios normalizados (anexos I, II, III e IV) dispoñibles na sede electrónica da Xunta de Galicia, <https://sede.xunta.gal>.

Para presentar as solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365, <https://sede.xunta.gal/chave365>.

PRAZO DE PRESENTACIÓN

O prazo de presentación de solicitudes comezará a partir do día seguinte ao da publicación desta orde no DOG e finalizará o 27 de outubro de 2022.

INCOMPATIBILIDADES

As axudas dos programas I e III serán incompatibles, respecto da mesma persoa con discapacidade. No caso de solicitar as dúas concederáse unicamente a de custo salarial. Así mesmo as axudas dos Programas I e III serán incompatibles coas axudas que se convoquen baixo o Programa de formación dual para persoas con discapacidade intelectual nos centros especiais de emprego.

TRAMITACIÓN E RESOLUCIÓN

O órgano competente para tramitar e resolver os programas de axudas I e II é a Secretaría Xeral de Apoio ao Emprego, Traballo Autónomo e Economía Social da Consellería de Promoción do Emprego e Igualdade e para o programa de axudas III son as xefaturas territoriais da Consellería de Promoción do Emprego e Igualdade, referidas a centros de traballo radicados na respectiva provincia.

PROCEDEMENTO DE CONCESIÓN

Concurrencia non competitiva

PAGAMENTO ANTICIPADO

Poderán realizarse pagamentos anticipados do gasto para cada anualidade, sempre que o CEE o solicite marcando esta opción no anexo de solicitude ou mediante escrito dirixido ao órgano xestor da axuda en calquera momento anterior á xustificación.

Para o pagamento anticipado as entidades beneficiarias están eximidas de constituír garantías.

PERIODO DE EXECUCIÓN

Desde o 1 de xullo de 2022 ata o 30 de xuño de 2023

Anualidade 2022: accións subvencionables dende o 1 de xullo ao 30 setembro de 2022.

Anualidade 2023: accións subvencionables dende o 1 de outubro de 2022 ao 30 xuño de 2023.

No referente ao informe de auditoría sobre a conta xustificativa recollido no programa I e III o prazo máximo rematará o 20 de setembro de 2023.

XUSTIFICACIÓN

As entidades beneficiarias deberán presentar a xustificación conforme á resolución de concesión, mediante conta xustificativa (separada por anualidades), e solicitar os correspondentes pagamentos conforme os modelos que figuran como anexos na orde.

DATA MÁXIMA DE XUSTIFICACIÓN

Programa I e III: o 30 de setembro de 2023

Programa II:

- **Anualidade 2022: o 30 de novembro de 2022**
- **Anualidade 2023: o 30 de setembro de 2023**

A axuda de asistencia técnica para o informe de auditoría necesario para a presentación da conta xustificativa dos programas I e III deberá xustificarse unha soa vez como data máxima o 30 de setembro 2023.

FINANCIAMENTO

A convocatoria 2022-2023 está dotada con 24.178.000,00 €. A distribución inicial de créditos entre os tres programas é a seguinte:

- Programa I: 1.200.000,00 €
- Programa II: 1.100.000,00 €
- Programa III: 21.878.000,00 €.

PROGRAMA I – AXUDAS ÁS UNIDADES DE APOIO Á ACTIVIDADE PROFESIONAL

FINALIDADE

Subvencionar os custos salariais e de Seguridade Social por conta da empresa derivados da contratación indefinida do persoal traballador das unidades de apoio á actividade profesional, no marco dos servizos de axuste persoal e social dos CEE.

BENEFICIARIAS. REQUISITOS

1. Os CEE da Comunidade Autónoma de Galicia que cumpran os seguintes requisitos:

- a) Que formen parte do seu cadro de persoal persoas traballadoras discapacitadas con especiais dificultades para a súa inserción laboral cun tipo e grao de discapacidade establecido nas letras a) e b) do artigo 5.2 das bases reguladoras destas axudas:
- persoas con parálise cerebral, con enfermidade mental ou con discapacidade intelectual, cun grao de discapacidade recoñecido igual ou superior ao 33 %.
 - persoas con discapacidade física ou sensorial cun grao de discapacidade recoñecido igual ou superior ao 65 %.
 - persoas pertencentes a colectivos con especial vulnerabilidade.
- b) Que dispoñan de unidades de apoio á actividade profesional, para a realización das funcións recollidas no artigo 27 da orde e coa composición que se detalla no artigo 31.

GASTOS SUBVENCIONABLES

Os gastos subvencionables son os custos salariais e da Seguridade Social por conta da empresa, durante o período subvencionable, do persoal traballador das unidades de apoio, sempre que:

- Teñan contrato indefinido.
- Teñan contrato de interinidade durante o tempo que se substitúa a persoa titular da praza de técnica ou encargada da unidade de apoio.

CONTÍAS

Ata **2.400,00 €/persoa** traballadora con especiais dificultades para a súa inserción laboral con contrato indefinido ou temporal de 6 ou mais meses a xornada completa.

Límites máximos subvencionables :

- Ata o **100 %** do gasto nos CEE de iniciativa social.
- Ata o **80 %** do gasto no resto de CEE.

PAGAMENTO ANTICIPADO

Poderá solicitarse, nas seguintes porcentaxes, o pagamento anticipado da subvención concedida para cada anualidade:

- Ata o **100 %** da anualidade 2022.
- Ata o **90 %** da anualidade 2023.

OBRIGAS E REINTEGROS ESPECÍFICOS

Ademais das recollidas con carácter xeral no artigo 19 da orde, as entidades beneficiarias das subvencións deste programa deberán cumprir as seguintes obrigas:

- a) Manter os postos de traballo durante o período subvencionable e a proporcionalidade exixida no artigo 31 da orde respecto da composición da unidade de apoio. Cando se produzan vacantes de persoal, deberán ser cubertas no prazo dun mes dende a data de baixa.
- b) Manter no seu cadro de persoal o número de persoas con discapacidade, segundo o establecido no artigo 31 da orde.

En ambos casos, se non se puidesen manter os postos de traballo ou a proporcionalidade establecida, procederase á revogación parcial da subvención e, de ser o caso, o reintegro das cantidades indebidamente percibidas.

PROGRAMA II – AXUDAS Á CREACIÓN DE POSTOS DE TRABAJO ESTABLES PARA PERSOAS CON DISCAPACIDADE, ADAPTACIÓN DE POSTOS E ASISTENCIA TÉCNICA

FINALIDADE

Incentivar a creación de postos de traballo estables, financiar as adaptacións dos postos de traballo e as asistencias técnicas que precisen os CEE no seu proceso de creación ou de mellora e diversificación produtiva.

ENTIDADES BENEFICIARIAS

Con carácter xeral, serán beneficiarios deste programa, os centros especiais de emprego inscritos no Rexistro Administrativo de Centros Especiais de Emprego da Comunidade Autónoma de Galicia ou que teñan solicitada a inscrición na data de presentación da solicitude.

Excepcionalmente, para o caso das axudas de asistencia técnica, recollidas no artigo 40.1 apartados a, b e c), **só poderán ser beneficiarios os CEE inscritos como centros sen ánimo de lucro, ou que teñan o recoñecida a condición de iniciativa social** polo Rexistro Administrativo de CEE de Galicia.

LIÑAS DE AXUDA

Os centros especiais de emprego poderán acceder ás seguintes liñas de axuda:

- **Subvención para a creación de postos de traballo estables en función do investimento en activo fixo (Artigo 38).**

Destinada a subvencionar:

- a) A creación de novos postos de traballo indefinidos para persoas con discapacidade inscritas como demandantes de emprego non ocupadas no Servizo Público de Emprego.
- b) A transformación en indefinidos dos contratos temporais.

- **Subvención para a adaptación de postos de traballo e eliminación de barreiras (artigo 39).**

Destinada a subvencionar a adaptación de postos de traballo e a eliminación de barreiras arquitectónicas, sempre que se acredite a súa necesidade para manter o posto de traballo en atención á discapacidade da persoa pola que se solicita a subvención.

- **Subvención para a asistencia técnica (artigo 40).**

Destinada a subvencionar a asistencia técnica prestada por empresas ou persoas físicas

especializadas que reúnan garantía de solvencia profesional e nas modalidades seguintes:

a) Contratación de persoal de dirección, sempre que o CEE teña, como mínimo, 10 persoas traballadoras.

b) Custos derivados da obtención das certificacións de calidade e as súas sucesivas renovacións.

c) Nos casos de creación ou ampliación dun centro de traballo ou diversificación da actividade do centro, poderá optarse as seguintes axudas:

- Estudos de viabilidade, organización, comercialización e outros de natureza análoga.
- Labores de asesoramento nas diversas áreas de xestión empresarial.
- Auditorías e informes económicos.
- Auditorías sociais que permitan a empresa avaliar a súa eficacia social e o seu comportamento ético en relación cos seus obxectivos.

d) Realización do informe de auditoría sobre a conta xustificativa das axudas recollidas nos programas I e III.

CONTÍAS

- Para a creación de postos de traballo estables:

1. A contía base será de 10.000,00€ por cada posto de traballo creado con carácter indefinido e a xornada completa. O importe desta contía será

proporcional á xornada laboral. Esta contía incrementarase nun 25% cada vez que se dean os seguintes supostos acumulables entre si:

a) se a persoa incorporada é unha muller.

b) se a persoa incorporada ten discapacidade ou está en situación ou risco de exclusión social.

c) se a persoa incorporada ten máis de 45 anos.

d) se a persoa incorporada ten a condición de emigrante retornada.

e) se a persoa incorporada ten a condición de trans.

f) se o centro de traballo ao que se incorpora a persoa socia está situado nun concello rural.

2. A contía máxima por posto de traballo creado será de 25.000,00€
3. Cada un dos centros de traballo do CEE poderá solicitar un máximo de 7 postos

- Para a adaptación dos postos de traballo e eliminación de barreiras

Ata 2.000,00 € por posto adaptado

- Para a asistencia técnica

1. Ata 15.000,00€ por CEE por todos os conceptos do artigo 40. 1. a) b) e c).
2. Ata 4.000,00 € para o informe de auditoría (artigo 40.1.d), segundo o número de persoas contratadas polo CEE:
 - Ata 10 persoas: 1.000,00 €.

- Entre 11 e 20: 2.000,00 €.
- Entre 21 e 60: 3.000,00 €.
- Máis de 60: 4.000,00 €.

O despedimento improcedente antes de que transcorran 2 anos dará lugar ao reintegro do 100% da axuda.

Límites máximos subvencionables no programa II :

- Ata o **100 %** do gasto nos CEE de iniciativa social.
- Ata o **80 %** do gasto no resto de CEE.

PAGAMENTO ANTICIPADO

Poderá solicitarse ata o **90 %** da cantidade concedida en cada anualidade, sempre e cando se cumpran os requisitos recollidos na orde (punto 44.2 da orde de axudas)

En relación ao informe de auditoría a contía poderá ser do 100%.

OBRIGAS E REINTEGROS ESPECÍFICOS

Ademais das obrigas xerais por creación de emprego estable engádense as seguintes obrigas específicas:

- a) Destinar a subvención ao plan de investimento polo que se concedeu a axuda. No caso contrario procederase ao reintegro do 100% da axuda.
- b) Manter os postos de traballo creados con carácter indefinido un mínimo de 2 anos. No caso de baixa voluntaria da persoa traballadora ou despedimento procedente, deberá substituírse a vacante, nun prazo máximo de 3 meses, polo tempo que reste ata completar os 2 anos e nas mesmas condicións polas que se concedeu a axuda.

PROGRAMA III – AXUDAS AO MANTEMENTO DO CUSTO SALARIAL DAS PERSOAS CON DISCAPACIDADE

FINALIDADE

Subvencionar o custo salarial de todas as persoas traballadoras con discapacidade en grao igual ou superior ao 33% contratadas en centros de traballo do territorio da Comunidade Autónoma de Galicia.

GASTOS SUBVENCIONABLES

Os contratos de traballo das persoas con discapacidade deberán cumprir a lexislación vixente e, no caso dos contratos fixos-descontinuos, ter unha prestación de traballo mínima de 2 meses. Para os contratos de traballo de duración determinada previstos no artigo 15 do Estatuto dos traballadores, a duración mínima será de 7 días.

O cálculo da subvención estimarase para todo o período subvencionable, tendo en conta a duración das contratacións e das xornadas laborais de todas as persoas traballadoras con discapacidade contratadas polo CEE no primeiro mes polo que se pide a subvención e en función do SMI establecido polo Consello de Ministros para ese ano.

CONTÍA

1. Subvencionarase cun importe do **50 %** do salario mínimo interprofesional (**SMI**) correspondente ás mensualidades indicadas na convocatoria, para as persoas con discapacidade contratadas nos CEE que estean de alta na Seguridade Social.

Nos contratos de traballo a tempo parcial, a contía da subvención reducirase de forma proporcional.

2. A subvención será do **60 %** do **SMI** nos supostos nos que se trate dunha persoa con discapacidade con especiais dificultades para a súa inserción laboral.

PAGAMENTO ANTICIPADO

Poderá solicitarse, nas seguintes porcentaxes, o pagamento anticipado da subvención concedida para cada anualidade:

- Ata o **100 %** da anualidade 2022.
- Ata o **90 %** da anualidade 2023.

MÁIS INFORMACIÓN

CONSELLERÍA DE PROMOCIÓN DO EMPREGO E IGUALDADE

SECRETARÍA XERAL DE APOIO AO EMPREGO, TRABALLO
AUTÓNOMO E ECONOMÍA SOCIAL

981 544 716 981 957 727

Xefatura Territorial da Coruña
Avda. Salvador de Madariaga, 9
15071 A Coruña
981 185 895

Xefatura Territorial de Ourense
Avda. de la Habana, 79
32071 Ourense
988 386 401

Xefatura Territorial de Lugo
Rolda da Muralla, 70
27071 Lugo
982 294 048

Xefatura Territorial de Vigo
Concepción Arenal, 8
36201 Vigo
986 817 009

empregoigualdade.xunta.gal
economiasocial.emprego@xunta.gal
integracion.laboral.emprego@xunta.gal

eusumo.gal
info@eusumo.gal